

漢書

五十六

外戚傳第六十七上 漢書九十七上

漢 護 軍 班 固 撰

唐議美行秘書監魏翺國子顏 師古 集註

自古受命帝王及繼體守文之君師古曰繼體謂嗣位

也守文言遵成法不用武功也非獨內德茂也蓋亦有外戚

之助焉夏之興也以塗山師古曰禹娶塗山氏之女而生啓也而

桀之放也用末喜師古曰末喜桀之妃有施氏女也美於色薄於德女子行

丈夫心桀常置末喜於膝上聽用其言昏亂失道於是湯伐之遂放桀與末喜死於南巢殷之興

也以有娥及有契師古曰有娥國名其女簡狄吞燕卵而生契為湯始祖有契氏

女湯妃也娥音蒿新娶音誥。蕭該音義曰該案晉灼韋昭音義有娥並作有崇服虔曰有崇契母簡狄國也詩

作有娥字林曰娥母也元戎反世本曰帝嚳次妃有娥氏女曰簡狄吞乙卵而生契晉灼曰有契湯所娶國也

而紂之滅也嬖妲己師古曰妲己紂之妃有蘇氏女也美好辯辭與於姦究嬖

幸於紂紂用其言毒虐衆庶於是武王伐紂戰于牧野紂師倒戈不為之戰武王克殷致天之罰斬妲己頭懸

之於小白旗以為紂之亡者由此女也周之興也以姜嫄及大任

大妣師古曰姜嫄有郃氏之女帝嚳之妃也履大人迹而生后稷為周始祖大任文王母大妣武王

母也嫄音原。宋祁曰字書云姜嫄呂侯女而幽王之禽也淫褒姒



師古曰謂黜申后而致犬戎舉為烽而諸侯莫救也故易基乾坤詩首關

睢師古曰書美釐降師古曰釐理也尚書堯典稱

言堯欲觀舜治迹以己二女妻之舜能以治降下二女以成其德春秋譏不親迎

師古曰春秋公羊經隱二年紀履須來逆女傳曰夫外逆女不書此何以書譏也何譏爾始不親迎也夫

婦之際人道之大倫也師古曰禮之用唯婚

姻為兢兢師古曰兢兢戒慎也夫樂調而四時和陰陽

之變萬物之統也可不慎與師古曰與人能

弘道末如命何師古曰末無也論語載孔子曰人能弘道非道弘人又稱子路曰道

之將與命也道之將廢命也公伯寮其如命何故引之甚哉妃匹之愛君

不能得之臣父不能得之子況卑下乎師古

曰言雖君父之尊不能奪其所好而移其本意既驩合矣或不能成子

姓師古曰成子姓矣而不能要其終豈非命

也哉孔子罕言命蓋難言之師古曰論語曰

與仁罕者希也非通幽明之變惡能識乎性命師古曰

謂於何也論語稱子貢曰夫子之文章可得而聞也夫子之言性與天道不可得而聞也已矣謂孔子不言性命及天道而學者誤讀謂孔子之言自然

與天道合非惟失於文句實乃大乖意旨漢興因秦

命及天道而學者誤讀謂孔子之言自然漢興因秦

外載

之稱號帝母稱皇太后祖母稱太皇太后

適稱皇后師古曰適讀曰嫡后亦君也天曰皇天地曰后土故天子之妃以后為稱取象二儀

妾皆稱夫人又有美人良人八子七子長

使少使之號焉師古曰良善也八七祿秩之差也長使少使王拱使者。宋祁曰拱

當作至武帝制婕妤娥俗華充依各有

爵位師古曰婕言接幸於上也仔美稱也姪娥皆美貌也俗俗猶言弈弈也便習之意也充依言充

依言充後庭而依秩序也婕音接仔音予字或從女其音同耳姪音五經反俗音容。韋昭曰姪音邢戾之邢俗觀也華色也依音風也言侍御在側依音展

而元帝加昭儀之號師古曰除皇后自昭儀

示隆重也凡十四等云師古曰除皇后自昭儀以下至秩百石十四等

昭儀位視丞相爵比諸侯王婕妤視上卿

比列侯姪娥視中二千石比關內侯師古曰中二千

石實得二千石也中之言滿也月得百八十斛是為一歲凡得二千一百六十石言二千者舉成數耳俗

華視真二千石比大上造師古曰真二千石月得千八百石耳大

美人視二千石比少上造師古曰真二千石月得千八百石耳大

八子視千石師古曰真二千石月得千八百石耳大

比中更師古曰中更第十三爵也充依視千石

師古曰中更第十三爵也充依視千石

外載

比左更

師古曰左更第十二爵

七子視八百石比右庶

長

師古曰右庶長第十一爵

良人視八百石比左庶長師古曰

曰左庶長第十爵

長使視六百石比五大夫

師古曰五大夫第九爵

少使視四百石比公乘

師古曰公乘第八爵

五官視

三百石

師古曰五官所掌亦象外之五官也

順常視二百石無

涓共和娛靈保林良使夜者皆視百石師古

曰涓潔也無涓言無所不潔也共讀曰恭言恭順而和柔也娛靈可以娛樂情靈也保安也保林言其可安眾如林也良使使令之善者也夜者主職夜事令音力成反。宋祁曰江南本注文無如林字

上家人

子中家人子視有秩斗食云

師古曰家人子者言采擇良家

子以入宮未有職號但稱家人子也斗食謂佐史也謂之斗食者言一歲不滿百石日食一斗二升

官以下葬司馬門外

服虔曰陵上

吕后外戚傳

高祖吕皇后父吕公單父人也

師古曰單音善父音甫

好相人高祖微時吕公見而異之乃以女

妻高祖生惠帝魯元公主高祖為漢王元

年封吕公為臨泗侯二年立孝惠為太子

後漢王得定陶戚姬愛幸生趙隱王如意
太子爲人仁弱高祖以爲不類已常欲廢
之而立如意如意類我戚姬常從上之關
東日夜啼泣欲立其子吕后年長常留守
希見益疏如意且立爲趙王留長安幾代
太子者數師古曰幾音巨依反數音所角反賴公卿大臣爭之
及叔孫通諫用留侯之策得無易宋祁曰用當作由
吕后爲人剛毅佐高帝定天下兄二人皆

高傳六十七上 以書九十七上 并

爲列將從征伐長兄澤爲周吕侯次兄釋
之爲建成侯逮高祖而侯者三人高祖四
年臨泗侯吕公薨高祖崩惠帝立吕后爲
皇太后廼令永巷囚戚夫人髡鉗衣赭衣
令舂戚夫人舂且歌曰子爲王母爲虜終
日舂薄暮常與死爲伍師古曰與死罪者爲伍也相離三
千里當誰使告女師古曰女讀曰汝此下皆同太后聞之大
怒曰乃欲倚女子邪師古曰乃亦汝○宋祁曰考異本及越本無女字當刪

乃召趙王誅之使者三反

師古曰反還也三還猶今言三回也趙

相周昌不遣太后召趙相相徵至長安使

人復召趙王王來惠帝慈仁知太后怒自

迎趙王霸上入宮挾與起居飲食數月帝

晨出射趙王不能蚤起太后伺其獨居使

人持鴆飲之遲帝還趙王死

師古曰遲音直二反解在高紀

太

后遂斷戚夫入手足去眼熏耳飲瘖藥

師古

曰去其眼睛以藥熏耳今龍耳也瘖不能言也以瘖藥飲之也飲音於禁反瘖音於今反

使居鞠

帝傳亦七上

法卷九十七上

六

域中

師古曰鞠域如蹋鞠之域謂窟室也鞠音居六反

名曰人彘居數

月廼召惠帝視人張帝視而問知其戚夫

人廼大哭因病歲餘不能起使人請太后

曰此非人所為臣為太后子終不能復治

天下

師古曰今太后視事已自如太子然

以此日飲為淫樂不

聽政七年而崩太后發喪哭而泣不下

師古

曰泣謂淚也

留侯子彘辟彊為侍中年十五謂丞

相陳平曰太后獨有帝今哭而不悲君知

其解未

師古曰解猶
解說其意

陳平曰何解辟彊曰帝

無壯子太后畏君等今請拜吕台吕產為

將將兵居南北軍及諸吕皆官居中用事

如此則太后心安君等幸脫禍矣

師古曰
脫免也

丞

相如辟彊計請之太后說其哭廼哀

師古曰
說讀曰

悅吕氏權由此起廼立孝惠後宮子為帝

太后臨朝稱制復殺高祖子趙幽王友共

王恢

師古曰共
讀曰恭

及燕靈王建遂立周吕戾子

台為吕王

師古曰台
音土來反

台弟產為梁王建成戾

釋之子祿為趙王台子通為燕王又封諸

吕凡六人皆為列侯追尊父吕公為吕宣

王兄周吕戾為悼武王太后持天下八年

病犬禍而崩語在五行志病困以趙王祿

為上將軍居北軍梁王產為相國居南軍

戒產祿曰高祖與大臣約非劉氏王者天

下共擊之今王吕氏大臣不平我即崩恐

其為變必據兵衛宮慎毋送喪為人所制
太后崩太尉周勃丞相陳平朱虛侯劉章
等共誅產祿悉捕諸呂男女無少長皆斬
之而迎立代王是為孝文皇帝

張后外戚傳

孝惠張皇后宣平侯敖尚帝姊魯元公主
有女惠帝即位呂太后欲為重親以公主
女配帝為皇后欲其生子萬方終無子廼

使陽為有身取後宮美人子名之

師古曰名為皇后子

殺其母立所名子為太子惠帝崩太子立
為帝四年廼自知非皇后子出言曰太后
能殺吾母而名我我壯即為所為

師古曰為其所為謂

所生之母也並音于偽反

太后聞而患之恐其作亂廼幽

之永巷言帝病甚左右莫得見太后下詔
廢之語在高后紀遂幽死更立恒山王弘
為皇帝而以呂祿女為皇后欲連根固本

牢甚師古曰然而無益也呂太后崩大臣正

之卒滅呂氏少帝怕山淮南濟川王皆以

非孝惠子誅獨置孝惠皇后廢處北宮師古

曰置留也北宮孝文後元年薨葬安陵不起

墳

薄姬外戚傳

高祖薄姬文帝母也父吳人秦時與故魏

王宗女魏媼通生薄姬而薄姬父死山陰

因葬焉師古曰山陰及諸侯畔秦魏豹立為

王而魏媼內其女於魏宮許負相薄姬當

生天子是時項羽方與漢王相距滎陽天

下未有所定豹初與漢擊楚及聞許負言

心喜因背漢而中立與楚連和師古曰自謂

漢使曹參等虜魏王豹以其國為郡而薄

姬輸織室豹已死漢王入織室見薄姬有

詔內後宮歲餘不得幸始姬少時與管夫

人趙子兒相愛約曰先貴母相忘已而管
夫人趙子兒先幸漢王漢王四年坐河南
成臯靈臺此兩美人侍相與笑薄姬初時
約漢王問其故兩人俱以實告漢王心悽
然憐薄姬是日召欲幸之對曰昨暮夢龍
據妾曾上曰是貴徵也吾為汝成之遂幸
有身歲中生文帝年八歲立為代王自有
子後希見高祖崩諸幸姬戚夫人之屬呂

希傳卷七十一 漢書卷七十一

后怒皆幽之不得出宮而薄姬以希見故
得出從子之代為代太后太后弟薄昭從

如代

師古曰如往也

代王立十七年高后崩大臣議

立後疾外家呂氏彊暴皆稱薄氏仁善故

迎立代王為皇帝尊太后為皇太后封弟

昭為軹侯

師古曰軹音只

太后母亦前死葬櫟陽北

廼追尊太后父為靈文侯會稽郡置園邑

三百家

○置舊作致劉敞曰致園邑致宜作置

長丞以下使奉守

寢廟上食祠如法櫟陽亦置靈文夫人園

令如靈文侯園儀太后蚤失父其奉太后

外家魏氏有力師古曰言太后為外家所養也廼召復魏氏師古

曰優復之也復音方目反賞賜各以親疏受之薄氏侯者

一人太后後文帝二歲孝景前二年崩師古

曰言文帝崩後二歲太后乃崩葬南陵師古曰薄太后陵在霸陵之南故稱南陵即今所謂

薄陵用吕后不合葬長陵師古曰以吕后是正嫡故薄不得合葬也

特自起陵近文帝

前傳年十五 後傳年十五 古

竇皇后外戚傳

孝文竇皇后景帝母也吕太后時以良家

子選入宮太后出宮人以賜諸王各五人

竇姬與在行中師古曰與讀曰豫家在清河願如趙

近家師古曰如往也請其主遣官者吏必置我籍趙

之伍中師古曰主遣官者吏謂管者為吏而主發遣官人者也籍謂名簿也伍猶列也官

者忘之誤置籍代伍中籍奏詔可當行竇

姬涕泣怨其官者不欲往相彊廼肯行至

竇后外家

代代王獨幸竇姬生女嫫師古曰嫫音匹昭反孝惠七

年生景帝代王王后生四男先代王未入

立為帝而王后卒及代王為帝後王后所

生四男更病死師古曰更互也音公衡反文帝立數月公

卿請立太子而竇姬男最長立為太子竇

姬為皇后女為館陶長公主師古曰年最長故謂長公主

明年封少子武為代王後徙梁師古曰初封代王後更為

梁王是為梁孝王竇皇后親蚤卒葬觀津師古

前傳古廿七十一 卷之二十一 十二

曰觀津清河之縣也觀音工喚反於是薄太后廼詔有司追封

竇后父為安成侯母曰安成夫人令清河

置園邑二百家長丞奉守比靈文園法

竇后兄長君弟廣國字少君年四五歲時

家貧為人所略賣其家不知處宋祁曰邵本無其家不

知處五字他本皆有傳十餘家至宜陽為其主人入山

作炭暮卧岸下百餘人出朋盡厭殺卧者師古曰厭音一甲反

劉敞曰王充書作少君獨脫不死師古曰脫免也自卜

竇后外家

數日當為侯

○劉敞曰從其家之長安師古曰從

其主家也

聞皇后新立家在觀津姓竇氏廣

國去時雖少識其縣名及姓又嘗與其姊

採桑墮

師古曰墮謂墮樹

用為符信上書自陳皇后

言帝召見問之具言其故果是復問其所

識

師古曰識記也音式志反

曰姊去我西時與我決傳舍

中匈沭沭我已飯我乃去

師古曰乞沭具而為之沭沭訖又飯食之

也飯音扶晚反

於是竇皇后持之而泣侍御左右

方傳之二十七 漢書九十五上十七

皆悲廼厚賜之家於長安絳侯灌將軍等

曰吾屬不死命乃且縣此兩人

師古曰恐其後擅權則將

相大臣當被害

此兩人所出微不可不為擇師傅又

復放呂氏大事也

師古曰放音甫往反

於是乃選長者

之有節行者與居竇長君少君用此為退

讓君子不敢以富貴驕人竇皇后疾失明

文帝幸邯鄲慎夫人尹姬皆無子文帝崩

景帝立皇后為皇太后乃封廣國為章武

竇后外家

侯長君先死封其子彭祖為南皮侯吳楚

反時太后從昆弟子竇嬰俠喜士師古曰喜音許吏反

為大將軍破吳楚封魏其侯竇氏侯者凡

三人竇太后好黃帝老子言景帝及諸竇

不得不讀老子尊其術太后後景帝六歲

凡立五十一年元光六年崩師古曰武紀建元六年太皇太

后崩此傳云後景帝六歲是也而以建元為元光則是參錯又當言凡立四十五年而云五十一再三乖謬皆

是此傳誤○宋祁曰索隱是當武帝建元六年此文是也而漢書作元光誤合葬霸陵

武帝本紀十一上 卷之五十一 少

遺詔盡以東宮金錢財物賜長公嫖師古曰東宮太

后所居至武帝時魏其侯竇嬰為丞相後誅

薄皇后外戚傳

孝景薄皇后孝文薄太后家女也景帝為

太子時薄太后取以為太子妃景帝立立

薄妃為皇后無子無寵立六年薄太后崩

皇后廢廢後四年薨葬長安城東平望亭

南

竇后外家

王皇后外戚傳

孝景王皇后武帝母也父王仲槐里人也母臧兒故燕王臧荼孫也為仲妻生男信與兩女而仲死臧兒更嫁為長陵田氏婦生男蚡勝臧兒長女嫁為金玉孫婦生一女矣而臧兒卜筮曰兩女當貴欲倚兩女

師古曰冀其貴而依倚之得尊寵也倚音於綺反

奪金氏金氏怒不肯

○漢書卷九十五上景十三

男男方在身時王夫人夢日入其懷以告太子太子曰此貴徵也未生而文帝崩景帝即位王夫人生男是時薄皇后無子後數歲景帝立齊栗姬男為太子而王夫人男為膠東王長公主嫖有女欲與太子為妃栗姬妬而景帝諸美人皆因長公主見得貴幸栗姬日怨怒謝長主不許長主欲與王夫人

○劉敞曰怒謝長主不許長主內少二公字

王夫人許之

會薄皇后廢長公主日譖栗姬短景帝嘗

屬諸姬子師古曰諸姬子諸姬所生之子也屬音之欲反此下皆同曰吾自歲

後善視之栗姬怒不肯應言不遜景帝心

銜之而未發也長公主日譽王夫人男之

美帝亦自賢之又耳曩者所夢日符師古曰耳

常聽聞而記之也符猶瑞應計未有所定王夫人又陰使

人趣大臣立栗姬為皇后師古曰趣讀曰促大行奏

事文曰子以母貴母以子貴今太子母號

宜為皇后帝怒曰是乃所當言邪師古曰乃汝也言此

事非汝所當得言遂案誅大行而廢太子為臨江王

栗姬愈恚不得見以憂死卒立王夫人為

皇后師古曰卒終也男為太子封皇后兄信為蓋侯

初皇后始入太子家後女弟兒姁亦復入

師古曰姁音許于反諸婦人之名字音皆同。韋昭曰姁音熙主反。蕭該音義曰該案說文曰姁姬也倉君頡

篇曰姁婦人名也高后名娥姁義從姁亦名姁呂氏春秋曰姁姁然相樂也生四男兒姁

蚤卒四子皆為王師古曰謂廣川惠王越膠東康王寄清河哀王乘常山憲王舜

皇后長女為平陽公主次南宮公主次隆

慮公主師古曰慮音盧皇后立九年景帝崩武帝即

位為皇太后尊太后母臧兒為平原君封

田蚡為武安侯勝為周陽侯王氏田氏侯者

凡三人蓋侯信好酒田蚡勝貪巧於文辭

蚡至丞相追尊王仲為共侯師古曰共讀曰恭槐里

起園邑二百家長丞奉守及平原君薨從

田氏葬長陵亦置園邑如共侯法初皇太

前傳六十七上 漢九十七上十七

后微時所為金玉孫生女俗在民間蓋諱

之也師古曰言隨流俗而在閭巷未顯貴。劉敞曰予謂俗者名也褚先生記云女某邪然則此女

亦有名武帝始立韓嫣白之師古曰嫣音偃。宋祁曰字林云嫣長貌

也帝曰何為不蚤言乃車駕自往迎之其

家在長陵小市宋祁曰史記作小市西直至其門使左

右入求之家人驚恐女逃匿扶將出拜帝

下車立曰宋祁曰史記云帝下車泣曰噉大姊何藏之深也

載至長樂宮與俱謁太后太后垂涕女亦

悲泣帝奉酒前為壽錢千萬奴婢三百人
公田百頃甲第以賜姊太后謝曰為帝費
因賜湯沐邑號修成君男女各一人女嫁
諸侯男號修成子仲以太后故橫於京師
師古曰橫音胡孟反太后凡立二十五年後景帝十五
歲元朔三年崩合葬陽陵

陳皇后外戚傳

孝武陳皇后長公主嫖女也

○宋祁曰嫖匹昭反鄭氏云嫖立嫖

嫖有凌雲志志說文曰嫖輕也

曾祖父陳嬰與項羽俱起後

歸漢為堂邑侯傳子至孫午午尚長公主
生女初武帝得立為太子長主有力取主
女為妃及帝即位立為皇后擅寵驕貴十
餘年而無子聞衛子夫得幸幾死者數焉
師古曰幾音鉅依反數音所角反上愈怒后又挾婦人媚道
頗覺元光五年上遂窮治之女子楚服等
坐為皇后巫蠱祠祭祝詛大逆無道相連

及誅者三百餘人楚服梟首於市使有司

賜皇后策曰皇后失序惑於巫祝師古曰言失德義之

序而妄祝詛也不可以承天命其上璽綬罷退居長

門宮明年堂邑侯午薨主男須嗣侯主寡

居私近董偃十餘年主薨須坐淫亂兄弟

爭財當死自殺國除後數年廢后乃薨葬

霸陵郎官亭東

衛皇后外戚傳

前傳三十一 漢書卷五十一

孝武衛皇后字子夫生微也其家號曰衛

氏出平陽侯邑子夫為平陽主謳者師古曰齊歌曰

謳音一侯反武帝即位數年無子平陽主求良家

女十餘人飾置家帝被霸上孟康曰被除也於霸水上自被除今

三月上巳被禊也師古曰被音廢禊音系還過平陽主主見所侍美

人師古曰侍儲侍也侍音文紀反帝不說既飲謳者進帝獨說

子夫師古曰說皆讀曰悅帝起更衣子夫侍尚衣如淳曰以帷帳

障尊者也晉灼曰代侍五尚之衣師古曰二軒中得

衛后外家

幸師古曰軒謂軒車即今車之施轆者。宋祁曰以文考之似非軒車。還坐驪甚

賜平陽主金千斤主因奏子夫送入宮子

夫上車主拊其背曰行矣師古曰拊謂摩循之也。行矣猶今言好去。

彊飯勉之師古曰彊音其兩反。飯音扶晚反。即貴願無相忘入

宮歲餘不復幸武帝擇宮人不中用者斥

出之子夫得見涕泣請出上憐之復幸遂

有身尊寵召其兄衛長君弟青侍中而子

夫生三女元朔元年生男據遂立為皇后

尚不十一 卷之二十一 廿

先是衛長君死乃以青為將軍擊匈奴有

功封長平侯青三子在襁褓中皆為列侯

及皇后姊子霍去病亦以軍功為冠軍侯

至大司馬驃騎將軍青為大司馬大將軍

衛氏支屬侯者五人青還尚平陽主皇后

立七年而男立為太子後色衰趙之王夫

人中山李夫人有寵皆蚤卒後有尹婕妤

鈞弋夫人更幸師古曰更互也音工衡反。衛后立三十八

衛后外家

年遭巫蠱事起江充為姦太子懼不能自
明遂與皇后共誅充發兵兵敗太子亡走
詔遣宗正劉長樂執金吾劉敢奉策收皇
后璽綬自殺黃門蘇文姚定漢輿置公車
令空舍盛以小棺塋之城南桐栢師古曰塋
葬也桐栢

亭名也塋
音於例反衛氏悉滅宣帝立乃改葬衛后追

謚曰思后置園邑三百家長丞周衛奉守

焉師古曰葬在杜門外大道東以倡優雜技千人樂其
園故號千人聚其地在今長安城內金城坊西北隅是

尚傳之三十一 李士上 二五七

武帝李夫人外戚傳

孝武李夫人本以倡進師古曰倡
樂人音昌初夫人兄

延年性知音善歌舞武帝愛之每為新聲

變曲聞者莫不感動延年侍上起舞歌曰

北方有佳人絕世而獨立一顧傾人城再

顧傾人國寧不知傾城與傾國佳人難再

得師古曰非不吝惜城與國也但以
注人難得愛悅之深不覺傾覆上嘆息曰善

世豈有此人乎平陽主因言延年有女弟

李夫人外家

上乃召見之實妙麗善舞由是得幸生一男是為昌邑哀王李夫人少而蚤卒上憐閔焉圖畫其形於甘泉宮及衛思后廢後四年武帝崩大將軍霍光緣上雅意以李夫人配食師古曰緣因也雅意素舊之意追上尊號曰孝武皇后初李夫人病篤上自臨候之夫人蒙被謝曰妾久復病形貌毀壞不可以見帝願以王及兄弟為託上曰夫人病甚殆將不起一見我屬託王及兄弟豈不快哉夫人曰婦人貌不修飾不見君父妾不敢以燕

嬀見帝師古曰嬀與惰同謂不嚴飾上曰夫人第一見我

師古曰第但也將加賜千金而予兄弟尊官夫人曰

尊官在帝不在一見上復言欲必見之夫

人遂轉鄉歛歛而不復言師古曰鄉讀曰嚮轉面而嚮裏也歛音虛

歛音許既反於是上不說而起師古曰說讀曰悅夫人姊妹

讓之曰師古曰讓責也貴人獨不可一見上屬託兄

第邪何為恨上如此夫人曰所以不欲見

帝者乃欲以深託兄弟也我以容貌之好

得從微賤愛幸於上夫以色事人者色衰

而愛弛師古曰弛解也音式爾反愛弛則恩絕上所以攀

攀顧念我者乃以平生容貌也師古曰攀音力全反又讀

曰戀今見我毀壞顏色非故必畏惡吐棄我

意尚肯復追思閔錄其兄弟哉及夫人卒

上以后禮葬焉其後上以夫人兄李廣利

為貳師將軍封海西侯延年為協律都尉

上思念李夫人不已方士齊人少翁言能

致其神廼夜張燈燭宋祁曰字林云有柎曰燈設帷帳陳

酒肉而令上居他帳宋祁曰一作命遙望見好女

如李夫人之貌還幄坐而步師古曰夫人之神於幄中坐又出而

徐又不得就視上愈益相思悲感為作詩

曰是邪非邪師古曰言所見之狀定是夫人以否立而望之偏何

惻惻其來遲師古曰惻惻行貌音仙。宋祁曰說文曰惻惻弱而長貌也倉頡篇曰柔栗之

貌也聲類曰長細貌也

令樂府諸音家絃歌之上又自

為作賦以傷悼夫人其辭曰

美連娟以修嫋兮

師古曰嫋美也連娟纖弱也嫋音互娟音一全反。蕭該音義

曰連娟韋昭曰長眉貌也嫋美目如茱萸嫋音呼故反字林下故反該案楚辭曰嫋目宜笑王逸曰視貌命

櫟絕而不長

師古曰櫟截也音子小反。蕭該音義曰韋昭音義作剝字說文曰櫟拘

繫也該案今外戚傳作櫟字韋昭音作剝字皆非依字林作剝字為是今人並不分剝剝二字作亦不得字體

飾新宮以延貯兮泯不歸乎故鄉

師古曰新宮侍神之

處貯與佇同佇待也泯然滅絕意

慘鬱鬱其蕪穢兮隱處幽

前傳卷之七上

李七上 二五

而懷傷釋輿馬於山椒兮奄修夜之不陽

孟康曰山椒山陵也置輿馬於山陵也師古曰自慘鬱鬱以下皆言夫人身處墳墓而隱翳也修長也陽明也

秋氣潛以淒淡兮桂枝落而銷亡

師古曰淒淡寒涼之

意也桂枝芳香亦喻夫人也潛音千感反淡音矣。宋祈曰說文曰潛痛也淡音矣漢武故事載此賦語辭與

漢書不異云秋風矣以淒冷

神榮榮以遙思兮精浮游而

出壘託沈陰以壙久兮惜蕃華之未央師古

曰沈陰言在地下也壙與曠同未央猶未半也言年歲未半而早落蕃華故痛惜之蕃音扶元反

念

窮極之不還兮惟幼眇之相羊

師古曰惟思也幼眇猶窈

李夫人外家

窈也相柔翺翔也幼
音一小反相音襄
函菱荻以任風兮芳雜襲

以彌章李奇曰荻音敷孟康曰菱音綏華中齊也夫
人之色如春華含菱敷散以待風也師古曰

雜襲重積也。蕭該音義曰該案
函音含韋昭云荻荷葉未落時也
的容與以猗靡

兮縹飄姚虬愈莊孟康曰言夫人之顏色的然盛
美雖在風中縹姚愈益端嚴也

師古曰縹音匹妙反。宋祁曰晉灼云謂夫人容姿票
巧衣服輕綺遙望縹然飄姚即就視之德性益莊呂靜

曰縹淺青也近小反漢武故
事載此賦云縹姚兮愈莊也
燕淫衍而撫楹兮連

流視而娥揚師古曰追述平生歡宴
之時也娥揚揚其娥眉既激感而

心逐兮包紅顏而弗明晉灼曰包藏也謂夫人
藏其顏色不肯見帝屬

前得衣上 候六七上 廿五

其家室也師古曰此說非也心逐者帝自言中心追逐
夫人不能已也包紅顏者言在墳墓之中不可見也

驩接狎以離別兮宵寤夢之芒芒師古曰言
絕接狎之

懼而遂離別也宵夜也芒芒
無知之貌也芒音莫郎反
忽遷化而不反兮魄

放逸以飛揚何靈魂之紛紛兮哀裴回以

躊躇師古曰躊躇任足也躊音躊躇合韻音
文預反。宋祁曰廣雅云躊躇猶豫也執路

日以遠兮遂荒忽而辭去師古曰荒
音呼廣反超兮西

征屑兮不見師古曰屑然疾音也
以日為喻故言西征履淫敞荒寂

兮無音師古曰荒古况字。
宋祁曰荒韋昭音况思若流波沮兮在

李夫人

心師古曰流波言恩寵不絕也但悼也音丁曷反亂師古曰亂理也總理賦中之意佳俠

函光墮朱榮兮孟康曰佳嫉妬關茸將安程狹猶佳麗

兮師古曰言嫉妬關茸之徒不足與夫人為程品也關茸衆賤之稱也關音吐臘反茸音人勇反方時

隆盛年天傷兮師古曰傷合韻音式向反弟子增欷洿沫

悵兮應劭曰弟夫人弟兄也子昌邑王也孟康曰洿沫涕洟也晉灼曰沫音水沫面之沫言涕洟洿集覆面下也師古曰沫晉說是也悵惆悵也洿音烏洿下也沫音呼內反字從午未之未也。蕭該音義曰字書沫頰頤三字並音火妹反。宋祁曰此本覆面字下有而字悲愁於邑喧不可

止兮師古曰朝鮮之間謂小兒泣不止名為喧音許遠反。宋祁曰喧疑合作啗師古用說文解啗

與喧通古本作啗音謹呼之嚮不虛應亦云已兮師古曰嚮讀曰嚮音嚮

之隨聲必當有應而今涕泣從自已耳夫人不知之是虛其應嚮妍大息嘆稚子

兮孟康曰夫人蒙被歔歔不見帝哀其子小而孤也晉灼曰三輔謂憂愁面省瘦曰嚮冥嚮冥猶嚮妍也師古曰嚮音在消反。宋祁曰嚮韋昭音慈周反孟康音苗劉氏音巢妍韋昭音魚田反惴慄不

言倚所持兮孟康曰恃平日之恩知上必感念之也師古曰惴慄哀愴之意也惴音劉

栗音仁者不誓豈約親兮如傳曰仁者之行惠尚一不以為恩施豈

有親親而反當以言約乎既往不來申以信兮師古曰死者一往不返情

念酷痛重以此心為信不有忽忘也信合韻音新去彼昭昭就冥冥兮

李夫人外家

李夫人外家

李夫人外家

李夫人外家

李夫人外家

既下新宮不復故庭兮

師古曰故庭謂平生所居室之庭也復音扶目

反嗚呼哀哉想魂靈兮其後李延年弟季

坐姦亂後宮廣利降匈奴家族滅矣

趙婕妤外戚傳

孝武鉤弋趙婕妤昭帝母也家在河間武帝巡狩過河間望氣者言此有竒女天子亟使使召之既至女兩手皆拳上自披之手即時伸由是得幸號曰拳夫人先是其

前漢書卷七十一上 卷七十一上 二十七

父坐法宮刑為中黃門死長安葬雍門

師古

曰雍門在長安西北孝里西南去長安三十里廣記云趙父冢在門西也

拳夫人進為

婕妤居鉤弋宮

師古曰黃圖鉤弋宮在城外漢武故事曰在直門南也

大有

寵元始三年

宋祁曰元始索隱作太始

生昭帝號鉤弋

子任身十四月廼生上曰聞昔堯十四月

而生今鉤弋亦然廼命其所生門曰堯母

門後衛太子敗而燕王旦廣陵王胥多過

失寵姬王夫人男齊懷王李夫人男昌邑

哀王皆蚤薨鉞弋子年五六歲壯大多知

師古曰壯大者言其形體偉大

上常言類我又感其生與衆

異其竒愛之心欲立焉以其年穉母少恐

女主穎恣亂國家猶與久之

師古曰與讀曰豫

鉞弋

健仔從幸甘泉有過見譴以憂死

師古曰譴責也音口

羨反因葬雲陽

師古曰在甘泉宮南今土俗人呼為女陵

後上疾病

乃立鉞弋子為皇太子拜奉車都尉霍光

為大司馬大將軍輔少主明日帝崩昭帝

前傳卷之七上

漢書卷之七上

二十七

即位追尊鉞弋健仔為皇太后發卒二萬

人起雲陵邑三千戶追尊外祖趙父為順

成侯詔右扶風置園邑二百家長丞奉守

如法順成侯有姊君姁賜錢二百萬奴婢

第宅以充實焉諸昆弟各以親疏受賞賜

趙氏無在位者唯趙父追封

上官皇后傳

孝昭上官皇后祖父桀隴西上邽人也少

時為羽林期門郎從武帝上甘泉天大風
車不得行解蓋授桀桀奉蓋雖風常屬車

師古曰屬連也音之欲反雨下蓋輒御上奇其材力遷未

央廐令上嘗體不安及愈見馬師古曰見謂呈見之見胡

電反馬多瘦上大怒令以我不復見馬邪欲

下吏桀頓首曰臣聞聖體不安日夜憂懼

誠不在馬師古曰誠實也言未卒泣數行下上以為

忠由是親近為侍中稍遷至太僕武帝疾

古律三十一上 卷九十一上 二十九

病以霍光為大將軍大僕桀為左將軍皆

受遺詔輔少主以前捕斬反者莽通功封

桀為安陽侯初桀子安取霍光女結婚相

親光每休沐出桀常代光入決事昭帝始

立年八歲帝長姊鄂邑蓋長公主居禁中

共養帝師古曰共音居用反養音弋亮反蓋主私近子客河間

丁外人師古曰子客子之賓客也外人其名也上與大將軍聞之

不絕主驩有詔外人侍長主長主內周陽

上官后外家

氏女令配耦帝時上官安有女即霍光外孫安因光欲內之光以為尚幼不聽安素與丁外人善說外人曰聞長主內女安子容貌端正誠因長主時得入為后師古曰以時得入以臣父子在朝而有椒房之重師古曰椒房殿名在未央

宮皇后所居

成之在於足下漢家故事常以列侯

尚主足下何憂不封侯乎外人喜言於長主長主以為然詔召安女入為婕妤安為

前傳云七上 漢九十二 廿

騎都尉月餘遂立為皇后年甫六歲

師古曰甫始也

安以后父封桑樂侯食邑千五百戶遷車

騎將軍日以驕淫受賜殿中出對賓客言

與我壻飲大樂見其服飾使人歸欲自燒

物安醉則裸行內與後母及父諸良人侍

御皆亂

師古曰良人謂妾也侍御則兼婢矣

子病死仰而罵天數

守大將軍光為丁外人求侯

師古曰守求請之

及桀

欲妄官祿外人

師古曰不由林德故云妄

光執正皆不聽

又桀妻父所幸充國為太醫監闡入殿中
下獄當死冬月且盡蓋主為充國入馬二
十匹贖罪迺得減死論於是桀安父子深
怨光而重德蓋主知燕王曰帝兄不得立
亦然望桀安即記光過失予燕王令上書
告之又為丁外人求戾燕王大喜上書稱
子路喪姊暮而不除孔子非之子路曰由
不幸寡兄弟不忍除之

師古曰事見禮記由子路之名故曰

首傳古中上

觀過知仁

師古曰論語云孔子曰人之過也各於其

骨肉雖違禮制是其仁愛

今臣與陛下獨有長公主為姊

陛下幸使丁外人侍之外人宜蒙爵號書
奏上以問光光執不許及告光罪過上又
疑之愈親光而疏桀安桀安寢恚師古曰寢漸也遂
結黨與謀殺光誘徵燕王至而誅之因廢
帝而立桀或曰當如皇后何安曰逐麋之
狗當顧菟邪師古曰言所求者大不顧小也且用皇后為尊一

上官后外家

旦人主意有所移雖欲為家人亦不可得

師古曰家人言凡庶匹夫此百世之一時也事發覺燕王

蓋主皆自殺語在霍光傳桀安宗族既滅

皇后以年少不與謀師古曰與讀曰預亦光外孫故

得不廢皇后母前死葬茂陵郭東追尊曰

敬夫人置園邑二百家長丞奉守如法皇

后自使私奴婢守桀安冢師古曰廟記云上官桀安冢並在霍光冢

東東去夏侯勝冢二十步光欲皇后擅寵有子帝時體不

前傳李士上 本卷七上 三十二

安左右及醫皆阿意言宜禁內雖宮人使

令皆為窮綉多其帶服虔曰窮綉有前後襠不

使之入也綉古袴字也窮綉即今之緄襠袴也今音力征反緄音下昆反○古祁曰韋昭音義曰綉皆令前後

不開呂靜曰後宮莫有進者皇后立十歲而

昭帝崩后年十四五云昌邑王賀徵即位

尊皇后為皇太后光與太后共廢王賀立

孝宣帝宣帝即位為太皇太后○劉敞曰元帝尊上官為

太皇太后宣字誤凡立四十七年年五十二建昭二

上官后外家

年崩合葬平陵

史良娣外戚傳

衛太子史良娣宣帝祖母也太子有妃有良娣有孺子妻妾凡三等子皆稱皇孫史良娣家本曾國有母貞君兄恭以元鼎四年入為良娣生男進號史皇孫師古曰進者皇孫之名武帝末巫蠱事起衛太子及良娣史皇孫皆遭害史皇孫有一男號皇曾孫時生數

史良娣外戚傳 卷之七十三 三十三

月猶坐太子繫獄積萬歲乃遭赦

○宋祁曰萬字姚本

五作治獄使者邴吉憐皇曾孫無所歸載以

付史恭恭母貞君年老見孫孤甚哀之自養視焉後曾孫收養於掖庭遂登至尊位是為宣帝而貞君及恭已死恭三子皆以舊恩封長子高為樂陵侯曾為將陵侯玄為平臺侯及高子丹以功德封武陽侯侯者凡四人高至大司馬車騎將軍丹左將

軍自有傳

王夫人外戚傳

史皇孫王夫人宣帝母也名翁須太始中得幸於史皇孫皇孫妻妾無號位皆稱家人子征和二年生宣帝帝生數月衛太子皇孫敗家人子皆坐誅莫有收葬者唯宣帝得全即尊位後追尊母王夫人謚曰悼后祖母史良娣曰戾后皆改葬起園邑長

百卷二十一 卷之二十一 三十四

丞奉守語在戾太子傳地節三年求得外祖母王媪媪男無故無故弟武皆隨使者詣闕時乘黃牛車故百姓謂之黃牛媪初上即位數遣使者求外家久遠多似類而非是既得王媪令太中大夫任宣與丞相御史屬雜考問鄉里識知者皆曰王媪媪言名妾人家本涿郡蠡吾平鄉師古曰蠡音禮年十四嫁爲同鄉王更得妻更得死嫁爲廣望

王廼始婦師古曰廣望亦涿郡之縣產子男無故武女翁

須翁須年八九歲時寄居廣望節度子劉

仲卿宅仲卿謂廼始曰予我翁須自養長

之媪為翁須作縑單衣師古曰縑即今之絹也音兼送仲

卿家仲卿教翁須歌舞往來歸取冬夏衣

居四五歲翁須來言邯鄲賈長兒求歌舞

者仲卿欲以我與之媪即與翁須逃走之

平鄉師古曰之往也仲卿載廼始共求媪媪惶急將

首作六十一...

翁須歸曰兒居君家非受一錢也師古曰言未嘗得其

幣聘柰何欲予它人仲卿詐曰不也後數日

翁須乘長兒車馬○宋祁曰越本翁須下有歸字過門呼曰

我果見行師古曰呼音火故反當之柳宿蘇林曰聚邑名也在中山盧地

東北三十里媪與廼始之柳宿見翁須相對涕泣

謂曰我欲為汝自言師古曰言自言訟理不肯行○宋祁曰越本無我字

翁須曰毋置之師古曰置之猶言任聽之不須自言何家不可

以居師古曰言所去處皆可安居自言無益也媪與廼始

王夫人外家

還求錢用隨逐至中山盧奴見翁須與歌

舞等比五人同處

師古曰比音必寐反

媪與翁須共宿

明日廼始留視翁須媪還求錢欲隨至邯

鄲媪歸糶買未具廼始來歸曰翁須已去

我無錢用隨也因絕至今不聞其問賈長

兒妻貞及從者師遂辭

師古曰辭對辭

往二十歲太

子舍人侯明從長安來求歌舞者請翁須

等五人長兒使遂送至長安皆入太子家

前傳文一三三三法九十一三三二六

及廣望三老更始劉仲卿妻其等四十五

人辭皆驗

師古曰其者仲卿妻之名

宣奏王媪悼后母明

白上皆召見賜無故武爵關內侯旬月間

賞賜以鉅萬計頃之制詔御史賜外祖母

號為博平君以博平蠶吾兩縣戶萬一千

為湯沐邑封舅無故為平昌侯武為樂昌

侯食邑各六千戶初廼始以本始四年病

死後三歲家廼富貴追賜謚曰思成侯詔

王夫人外家

涿郡治冢室置園邑四百家長丞奉守如
法歲餘博平君薨謚曰思成夫人詔徙思
成侯合葬奉明顧成廟南置園邑長丞師古
曰本號廣明故矣太子傳云皇孫及王天罷涿郡思
人皆葬廣明其後以置園邑奉守改曰奉明
成園王氏侯者二人無故子接為大司馬
車騎將軍而武子商至丞相自有傳

許皇后外戚傳

孝宣許皇后元帝母也父廣漢昌邑人少

前傳三十七上 後傳九十七上 廿七

時為昌邑王郎從武帝上甘泉誤取它郎
輦以被其馬發覺吏劾從行而盜當死有

詔募下蠶室孟康曰死罪囚欲就宮者聽之後為官者丞上

官桀謀反時廣漢部索師古曰部分搜索罪人也索音山客反其

殿中廬有索長數尺可以縛人者數千枚

蒲一篋絨封師古曰殿中廬桀所止宿廬舍在宮中者也絨束篋也音工咸反廣

漢索不得它吏往得之師古曰須得此繩索者用為桀之反具廣

漢坐論為鬼薪輸掖庭後為暴室齊夫時

宣帝養於掖庭號皇曾孫與廣漢同寺居

師古曰寺者掖庭之官舍時掖庭令張賀本衛太子家吏

及太子敗賀坐下刑以舊恩養視皇曾孫

甚厚及曾孫壯大賀欲以女孫妻之是時

昭帝始冠長八尺二寸賀弟安世為右將

軍與霍將軍同心輔政聞賀稱譽皇曾孫

欲妻以女安世怒曰曾孫廼衛太子後也

幸得以庶人衣食縣官足矣勿復言予女

前傳云一七二一七三二一七三三

事於是賀止時許廣漢有女平君年十四

五當為內者令歐侯氏子婦師古曰歐侯姓也臨

當入歐侯氏子死其母將行卜相師古曰將領自隨而

上行言當大貴母獨喜賀聞許嗇夫有女廼

置酒請之師古曰請召也酒酣為言曾孫體近

下人乃關內侯師古曰言曾孫之身於帝為近親縱其人得下劣尚得關內侯書本

或無人字可妻也廣漢許諾明日嫗聞之怒師古

曰廣漢之妻不欲與曾孫廣漢重令為介師古曰更令人作媒而結婚姻重音直用

及遂與曾孫一歲生元帝數月曾孫立為

帝平君為婕妤是時霍將軍有小女與皇

太后有親公卿議更立皇后皆心儀霍將

軍女服虔曰儀音蠟晉灼曰儀向也師古曰晉說是也謂附向之亦未有言上

乃詔求微時故劔大臣知指白立許婕妤

為皇后既立霍光以后父廣漢刑人不宜

君國歲餘乃封為昌成君霍光夫人顯欲

貴其小女道無從師古曰從因也由也無由得內其女明年許皇

后當娠病女醫淳于衍者霍氏所愛嘗入

宮侍皇后疾衍夫賞為掖庭戶衛謂衍可

過辭霍夫人行師古曰過辭夫人行入宮也為我求安池監

衍如言報顯顯因生心辟左右師古曰辟音關謂屏去之

字謂衍少夫幸報我以事如淳曰稱衍字曰少夫親之也晉灼曰報

我以事謂求池監也我亦欲報少夫可乎晉灼曰報少夫行謀弒許后事衍

曰夫人所言何等不可者師古曰無顯曰將事而不可

軍素愛小女成君欲竒貴之願以累少夫

師古曰累託也音力瑞反 衍曰何謂邪顯曰婦人免乳大

故十死一生師古曰免乳謂產子也大故大事也乳音人喻反 今皇后

當免身可因投毒藥去也師古曰去謂除去也音丘呂反 成

君即得為皇后矣如蒙力事成富貴與少

夫共之衍曰藥雜治當先嘗安可師古曰與衆醫共雜

治之又有先嘗者何可行毒 顯曰在少夫為之耳將軍領

天下誰敢言者緩急相護但恐少夫無意

耳衍良久曰願盡力即擣附子齋入長定

前傳本上卷六十二一四十一

宮皇后免身後衍取附子并合大醫大九

以飲皇后晉灼曰大九令澤蘭九之屬 有頃曰我頭岑岑也

藥中得無有毒師古曰岑岑痺悶之意 對曰無有遂加

煩蕪崩師古曰蕪音蒲又音悶 衍出過見顯相勞問師古

曰勞音來到反 亦未敢重謝衍師古曰恐人知覺之 後人有上書

告諸醫侍疾無狀者皆收繫詔獄劾不道

顯恐事急宋祁曰今越本無事字 即以狀具語光因曰

既失計為之無令吏急衍光驚鄂默然不

應其後奏上署衍勿論李奇曰光顯其奏也師古曰言之於帝故解釋

耳光不自署也許后立三年而崩謚曰恭哀皇后葬

杜南是為杜陵南園師古曰即今之所謂小陵者去杜陵十八里後

五年立皇太子廼封太子外祖父昌成君

廣漢為平恩侯位特進後四年復封廣漢

兩弟舜為博望侯延壽為樂成侯許氏侯

者凡三人廣漢薨謚曰戴侯無子絕葬南

園旁置邑三百家長丞奉守如法宣帝以

首傳六十一上漢書九十二上甲乙

延壽為大司馬車騎將軍輔政元帝即位

復封延壽中子嘉為平恩侯奉戴侯後亦

為大司馬車騎將軍

霍皇后外戚傳

孝宣霍皇后大司馬大將軍博陸侯光女

也母顯既使淳于衍陰殺許后顯因為成

君衣補師古曰謂縫作嫁時衣被也為音于偽反。末祁曰南浙邵監皆作衣補一本補作被

治入宮具勸光內之果立為皇后初許后

許台外家

起微賤登至尊日淺從官車服甚節儉五日一朝皇太后於長樂宮親奉案上食以婦道共養及霍后立亦修許后故事而皇太后親霍后之姊子故常疎體敬而禮之皇后輦駕侍從甚盛賞賜官屬以千萬計與許后時縣絕矣上亦寵之穎房燕師古曰穎與專同立三歲而光薨後一歲上立許后男爲太子昌成君者爲平恩侯顯怒恚不食歐血

前傳六十一上 漢書九十一 四十二

曰此乃民間時子安得立即后有子反爲王邪復教皇后令毒太子皇后數召太子賜食保阿輒先嘗之后挾毒不得行後殺許后事頗洩顯遂與諸壻昆弟謀反發覺皆誅滅使有司賜皇后策曰皇后熒惑失道懷不德挾毒與母博陸宣成侯夫人顯謀欲危太子無人母之恩不宜奉宗廟衣服不可以承天命烏呼傷哉其退避宮上

璽綬有司霍后立五年廢處昭臺宮師古曰在上林

中後十二歲徙雲林館廼自殺葬昆吾亭

東師古曰昆吾地名在藍田初霍光及兄驃騎將軍去病

皆自以功伐封侯居位宣帝以光故封去

病孫山山弟雲皆為列侯侯者前後四人

王皇后外戚傳

孝宣王皇后其先高祖時有功賜爵關內

侯自沛徙長陵傳爵至后父奉光奉光少

前傳七十一上 卷之七十一上 四三

時好鬪雞宣帝在民間數與奉光會相識

奉光有女年十餘歲每當適人所當適輒

死故久不行及宣帝即位召入後宮稍進

為婕妤是時館陶主母華婕妤師古曰華音戶化反及

淮陽憲王母張婕妤楚孝王母衛婕妤皆

受幸霍皇后廢後上憐許太子蚤失母師古

曰許后所生故曰許太子幾為霍氏所害師古曰幾音巨依反於是乃

選後宮素謹慎而無子者遂立王婕妤為

王后外家

皇后令母養太子自為后後希見無寵封
父奉光為邛成侯立十六年宣帝崩元帝
即位為皇太后封太后兄舜為安平侯後
二年奉光薨謚曰共侯葬長門南置園邑
三百家○宋祁曰三邵本作二長丞奉守如法元帝崩
成帝即位為太皇太后復爵太皇太后弟
駿為關內侯食邑千戶王氏列侯二人關
內侯一人舜子章章從弟咸皆至左右將

前傳六十七上 漢書卷七十七上 四十四

軍時成帝母亦姓王氏故世號太皇太后
為邛成太后邛成太后凡立四十九年年
七十餘永始元年崩合葬杜陵稱東園師古

曰雖同塋兆而別為墳王后陵次宣帝陵東故曰東園也奉光孫勳坐法免元

始中成帝太后下詔曰孝宣王皇后朕之

姑深念奉質共修之義恩結于心師古曰質讀曰執質

惟邛成共侯國廢祀絕朕甚閔焉其封共
侯曾孫堅固為邛成侯至王莽乃絕

卷終

